



Emōj aō ioon jorrāān ko rej walok iloan baamle. Ij ke aikuj bael ae juon kakien in kejbarok (PO)?

-
- ❖ Riiti mennin wōt ñe kwōj jokwe ilo State eo an Washington.
 - ❖ Kwōmaron loe aoleb peba ko kin melele ko rejimwe im kobban peba ko ñan Am Make Kōmmāne im kim ej likūt ijin ilo WashingtonLawHelp.org.
-

Wōn eo aikuj riiti mennin?

Ñe ewōr ej kōjorrāān, kabnōnō, kamijak, ak abāde kwe, kwōj aikuj kenono ibben juon burokraam eo ej lale jorrāān ko rej walok iloan baamle. Lain in Kall eo an Aoleben Aelon eo ikijen Jorrāān ko rej walok iloan baamle (National Domestic Violence Hotline) ej [1-800-799-SAFE](https://www.nsvh.org).

Kim ej lewaj melele ko ekkā kin jibañ ko ewōr kin oktak in kakien ko kin maron ko an armij ilo juon jikin.

Kim ejab ba kajeoñ kareel ak jab kareel am kabōk iomwin kakien im renaj kejbarok kwe. Kōtōbar eo amim ej ñan jibañ am kōmmāne kelet eo kwōmelele kake kinta eo emmontata kwōn kōmmāne ñan jekjek eo am.

Jouj im kenono ibben juon armij eo ej lewaj rōjañ ñan melele im rōjañ kin jekjek eo am.

Ta kōmelele eo iomwin kakien kin jorrāān ko rej walok iloan baamle?

Kakien eo an State eo an Washingtonej ba jorrāān ko rej walok iloan baamle ej ñe juon armij ej kōmmāne juon ian men kein:

- Manne, kōjorrāān (ekoba kakkure kin mantin lōñ), ak kakkure enbwinnim
- Kōmman am mijak jorrāān ak kakkure eo ej walok ilo ien eo wōt
- Abāde kwe, ekoba abāde kwe online (kakkure etam ilo jikin ko online)

- Bōk kwōnaan ilo manit ko rej lelok jorrāān nan enbwin, lomnak, ak kōmelij, im ejellok wūnin an kakkure kōnaan im ainemmon eo am make (mantin ko ewōr kōlelñon)

Armij eo ej kōmmāne jorrāān eo ak kamijak, ekkā an juon nukukum ak juon jeram ak belem ilo tōrre in ak kar moktalok.

Riiti [Kakien ko kin Kejbarok: Kein jermal in kakien ko rej kejbarok maron ko an armij ilo jun jikin remaron ke kejbarok na?](#) ñan aoleben kōmelele eo.

Ta in juon PO?

Ej juon kakien jen jikin ekajet kin maron ko an armij ilo juon jikin (juon kakien kwar kajitōk), juon jāj ear lelok, im ear kōmman ñan kejbarok kwe jen bar juon armij.

Kwōmaron baele kain kakien in elane juon ian melele kein emool:

- A. kwōj ioon an juon nukukum ak armij uwaan mweo imōm lewaj jorrāān, kakkure enbwinim, kakkure, abād, kabnōnō eo ejab melim iomwin kakien, mantin ko ewōr kōlelñon, ak kakkure kin mantin lōñ
- B. kwōj mijak an wōr jorrāān ak kakkure enbwinim io ien eo wōt jen juon nukukum ak armij uwaan mweo imōm

Kakien in Kejbarok ko elukun lab an jejjet aer jermal ñan elōñ armij, bōtab rejab emmon ñan aoleb . Ijin lal ej jet kajitōk ko ñan lomnak.

Ibojak ke in bael ae juon PO?

Bael PO ej jino kin juon kōmadmōd ilo jikin ekajet ej aikuj am bed ilo ien roñjak ko ilo jikin ekajet im bojak ñan ien roñjak ko io am aen im lelok kein kamool.

- Wāween ko jet kim maron aikuj am kaju lale moktata (ejellok imōn jokwe, jibañ in kainemmon ñan jorrāān kauwotata, jorrāān ko kin jāān, jikuul ak jikin lale ajiri ekāāl, jermal kāāl).
- Emaron ejellok mmelele in kebaak ñan am lelok peba ñan pade eo juon.
- Kwōmaron jab bojak in lale ak kenono ibben armij eo ear kakkure kwe iloon jikin ekajet.
- Armij eo ear kōmmāne jorrāān eo emaron kōjermal juon loar eo elāj.

- Kwōmaron jab bojak in kenono kin melele ko am make ilo jikin ekajet eo ebellok ñan armij roñjak.
- Emarn wōr enaj kamakoko am bael juon keij in kakien ikijen baamle. Emaron wōr wūn ko emmon ñan am jab kōmmane mennin. Kwōmaron jab lomnak kwōbojak in bael ae juon keij in kakien ikijen baamle.
- Armij eo ear komman jorrāān emaron kōjerbal melele ko rar bael ilo keij in PO eo ilo keij in kakien ikijen baamle. Ñe kwar make kelet in jolok keij eo am, armij eo ear kōmman jorrāān emaorn kōjerbal melele in ñan bae ruom ilo jikin ekajet ilo jeklaj.
- Bael PO emaron kalu lok wōt armij eo ear kakkure kwe.
- Bael PO emaron kōmman an armij eo ear kōjorrāān kwe kajeoñ in ukōt nana ñan kwe.

Ewi toon ñan bōke juon PO?

Ej juon kōmadmōd eo ebōk ien:

- Kwōmaron naj jab maron in bōke juon loar bwe en jutak ikijem. Emaron bin am jutak ikijem make.
- Kwōmaron jab maron jolok ien jermal ak kabōk rilale ajiri ñan am etal nan jikin ekajet. Emaron wor rumij im ien roñjak ko reloñ.
- Armij eo ear kakkure kwe emaron kwalok melele ko rejab emmon kin kwe. Kwōnaj aikuj uwaak.
- Armij eo ear kakkure kwe emaron lukkun kōnaan jumae (armij eo ear kakkure kwe emaron bael eloñ men ko ibben jikin ekajet im kwōj aikuj uwaak, ak armij eo ear kōmman kakkure enaj kōlaajrak ien roñjak ko reloñ) kinke ien eo wōt remaron loe kwe ej ilo jikin ekajet.

Ak ñe inaj bōke juon PO eo ejab emmon ibba?

Jikin ekajet eo. Enaj kelet ta melele ko iloan Kakien eo:

- Jikin ekajet eo emaron lewaj juon PO eo ej kōmelim an pade eo juon loe ajiri ro ak kejbarok am jab maron emakut ñan bar juon jikin ibben ajiri ro.

- Jikin ekajet eo emaron lewaj juon kakien eo enaj kōmman bwe en binlok am kamool keij eo am ilo jabdewōt kōmadmōdin kakien ikijen baamle.
- Ñe PO eo enaj kōmelim ien lolak ko ibben ajiri ejellok ej lale, emaron bin ñan jañiji tōkelik ilo juon keij in kakien ikijen baamle.

Ak ñe ijab bōke juon PO?

Jikin ekajet eo enaj jaini juon Kakien in Jab Kōtōbrak elañe rej lomnak kwar jab kamool keij eo am. Innem armij eo ear kakkure kwe emaron kebaak ak bar iwōj iturim.

- Ñe kwōjab wiin, armij eo juon emaron kajur lok ilo ta eo ej kōmmane. Remaron loe ke rekkar jimwe im kajeoñ in nae ruom ilo aer kōjermal an jab tōbrak Poilo juon keij in kakien ikijen baamle.
- Jikin ekajet eo emaron lomnak kwōj kōnaan wōt juon kakien kin woñ eo ajiri ro rej bed ibben. Jikin ekajet eo emaron lomnak kwoj kajeon in kōmōkaj kōmadmōd ilo am bael ae juon PO.
- Ñe jikin ekajet eo ejab kōtōbrak kajitōk eo am ñan juon PO, emaron naj binlok am bōke mo ko ikijen Dv ilo juon bebe in nejnej.

Ak ñe ij lukkun aikuji juon PO?

Kakien in Kejbarok ko rar kōmman an kejbarok kwe jen an armij eo ej kakkure kwe kebaak ak iwōj ñan iturim.

Kwojab aikuji bael PO elañe jabdewōt melele kein kwōkōnaan ilon juon kakien jen jikin ekajet:

- Juon laajrakin ien ilo imōn jokwe an jidik ien
- Kōmman aan armij eo juon diwōj jen mweo imōm
- Ñan an ajiri ro nejum rool waj ilo ien an pade eo juon bōke er jen kwe
- Ñan kejbarok an armij eo juon emakūt jen state eo ibben ajiri ro
- Ñan bōke men ko mweiem jen armij eo juon

Ij ke aikuj bael ae juon keij in kakien ikijen baamle im boke Kakien ko an Jidik Ien ak juon Kakien in Kabōjrak?

-
- ❖ **Kain kakien ko an jikin ekajet emaron** koba kakien ko ikijen abnōno ko ekoba jāān, jikin eo kwōj jokwe, men ko mweien juon, kejbarok (kolla nan armij eo kwar jebel jene), kejbarok jen uwōta, wonnen kejbarok ajiri, bebe in nejnej, im Guardians ad Litem ro.
-

Ñe kwōlukkun kōnaan an juon jikin ekajet kōjejjet kūtien kakien ko rej kalikar woñ eo ajiri ro renaj bed ibben iomwin jidik ien ak bōke juon em ak wa ilo jidik ien, im jab bael ae juon kakien in kejbarok, kwōmaron kōnaan bael ae juon keij in kakien ikijen baamle im kajitōk **kakien ko an jidik ien**, ak jekdon juon **kakien in kabōjrak an ien eo wōt**.

Kakien ko an jidik ien emaron lewaj jet maron im/ak kejbarok ko alikin an jino keij in kakien ikijen baamle, bōtab mokta jen an jemlok eo aliktata. Jikin ekaejt ko rej lelok kakien ko wōt alikin an mōj aer lelok kōjella ñan armij eo juon im emōj an wōr juon ien roñjak imaan juon jāj ak kamijina im kajojo pade emaron kenono im kwalok kamool ko an.

Kain kakien ko an jidik ien kwōmaron bōke ekoba, bōtab ejab jemlok wōt ñan men kein:

- Bebe in nejnej eo an jidik ien
- Kakien kin wonnen kejbarok ajiri an jidik ien
- Kakien in wonnen kejabrok armij eo belem an jidik ien
- Kakien in kabōjrak an jidik ien
- Kakien an jidik ien ikijen aer bōke imōn jokwe eo
- Kakien an jidik ien ikijen kolla muri

Ewōr mōttan peba ko im kōmelele ko ñan am bōke kakien ko an jidik ien ilo elōn kain keij in kakien ko ikijen baamle:

- [Kajitōk Kakien ko Ikijen Baamle an Jidik Ien: Keij in Nejnej ko](#)
- [Kajitōk Kakien ko Ikijen Baamle an Jidik Ien: Keij in Jebel ko](#)

- [Kajitōk Kakien ko Ikijen Baamle an Jidik Ien: Kajitōk Oktak ilo Keij in Bebe ko ikijen Nejnej](#)

Ñe mennin ej an idin ien im kwōj lomnak kwōj aikuji juon kakien eo ej kōmman bōjrak ilo ien eo wōt jen an armij eo juon kebaak ak iwōj ñan iturim ak ajiri eo nejum, lomnak ak kajitōk kin juon **kakien in kabōjrak an ien eo wōt**. Ñe renaj lewaj, kakien in kabojrak ko an ien eo wot renaj jejjet kutien io ien eo wōt im woñmaanlok an jejjet kutien mae ien jikin ekajet eo emmaron kōmmane juon ien roñjak. Ilo ien eo, jāj ak kamijina eo enaj lomnak elañe ewor wūnin woñmaanlok kin kakien eo.

kakien in Kabōjrak ilo Ien eo wōt rej ñan idin ien wōt. Kwōj kajitōk kakien in ekka wōt kin kōjella ilo an dik ak ejellok kōjella moktalok ñan pade eo juon. Ñan bōke juon kakien in kabōjrak il o ien eo wōt, kwōj aikuj kamool ke ñe jikin ekajet eo ejab lewaj kakien kiō, **jorrāan eo ebañ emmonlok** enaj walok.

Ewōr mōttan peba ko im kōmelele ko ñan am bōke kakien ko ñan kabōjrak ilo ien eo wōt ilo elōn kain keij in kakien ko ikijen baamle:

- [Kajitōk Kakien ko ñan Kabōjrak ilo Ien eo Wōt: Keij in Nejnej ko](#)
- [Kajitōk Kakien ko ñan Kabōjrak ilo Ien eo Wōt: Keij in Jebel ko](#)
- [Kajitōk Kakien ko ñan Kabōjrak ilo Ien eo Wōt: Kajitōk Oktak ilo Keij in Bebe ko ikijen Nejnej](#)

❖ Bael keij in kakien ikijen baamle, ak kajitōk kakien ko an ien eo wōt ak an jidik ien, emaron bin. Ekkar kin elōñ men ko. **Kenono ibben juon loar mokta jen am kōmmane kelet in.**

Ak ñe ikōnaan bebe in kejbarok ñan na make (im jabdewōt ajiri ewōr ibba) im jab etal ñan jikin ekajet?

Kall ae lok Lain in Kall eo an Aoleben Aelon eo ikijen Jorrāan ko rej walok iloan baamle (National Domestic Violence Hotline) ilo 1-800-799-SAFE. Remaron lemaanlok kwe ñan juon opij ilo jukjukinbed. Juon eo ej lelok rōjañ ilo opij eo emaron jibañ kwe kin bebe in kejabrok.

Ilo ien in, kajitōk ibbam make kajitōk kein:

- Ta inebata eo am elabtata?

- Ta aurok ko ibbam?
- Ta men eo auroktata ibbam kiō, ilo allon ko jet tokelik, im ilo ien aitok
- Ta am lomnak kin an ajiri ro bed kiō?
- Ewi wāween am loe uwōta ko? Ta meleleier ñan kwe?
- Ta eo kwōj mijake? Etke? Etke jab?
- Ta eo kwar kōmmame ilo tōrre ko moktalok ñan jibañ kejbarok kwe ak ajiri ro nejum?
- Ta kelet ko kwar kōmmame kin am kebaak armij eo belem?

Ta jet melele in jibañ kin kanne peba in PO ko?

Ewōr peba in kejbarok ko ibben clerk eo an jikin eakjet ak burokraam eo ej lale jorrān ko rej walok iloan baamle ilo jukjuginbed eo am. Kwōmaorn bar kōjberbal mōttan peba ko amim kwōj print [Wāween Bael Kakien in Kejbarok](#), ak burokraam in ien kajitōkin eo kwōj make kōmmame, [Peba ko an Washington Online](#), ñan kanne peba ko ilo WashingtonLawHelp.org.

❖ **Kwōj ke Uwaan juon Bwij ak jokwe ilo juon Jukjuginbed an Bwij ak ilo bwidej an Indian?** Emaron wōr am kelet in kanne juon kakien in kejabrok ilo juon Jikin Ekajet an State ak Jikin Ekajet an Bwij. Emaron oktak kakien im/ak kōmadmōd ko an kajojo bwij. Kebaak Jikin Ekajet eo an Bwij ñan bōk melele ko relablok. (Kōjberbal kein ebōk melele eo an Jikin Ekajet eo an Bwij ilo goia.wa.gov/tribal-directory/washington-state-tribal-courts.) Peba ko an jikin ekajet eo an state remaron jab jeral ilo Jikin Ekajet eo an Bwij.

- Ilo ien am kanne Kajitok eo, kwoj aikuj kakōlle aoleb bok ko kwōkōnaan an jikin ekajet eo kōmman kakien. Ñe bok eo ejab kakōlle, jikin ekajet eo ebañ kōmman kakien kake.
- Ñe kwōj kajitōk an pade eo juon karool men ko mweiem make, likūt jejetin men ko kwōj aikuj (passport, kredit kaat, talebon cell, jea in wa an ajiri, kein ikkure ko an ajiri, im bar jet). **Jab je** “men ko mweio” ak “men ko mweien ajiri”.
- Ilo ien am kanne jekjon in melele eo an Kajitok eo, kwōn kōjejet im lelok kōmelele ñan joñan am maron. Likūt raan, etan, ta, ñaat, im ia. Kōjberbal etan

armij im ejab pronoun ko. Ñe kwōjab ememej raan eo, likūt ien eo iloan yiō eo men eo ear walok (iturin raan in kakkije ko, ien ko iloan juon yiō, jete an ajiri eo nejum yiō) ak tarrin ewi toon an kar walok.

- Elañe jorrān eo aliktata ear walok ekkar iomwin jet ien emootlok, kōmelele etke kwōj kanne peba eo kiō.
- Ilo ien am kanne jekjon in melele eo an Kajitōk eo, lomnak kin **kōmelele eo iomwin kakien** kin jorrān ko rej walok iloan baamle (manman, kakkure, kōjorrāā enbwin, ak mijak uwōta ak jorrān eo ilo ien eo wōt, abād).
- Kōmelele ta eo ear walok ilo ien am ak ajiri ro redik nejum kar jorrān, kakkure kin mantin lōñ, abād, ak lewaj mijak ilo ien eo wōt ke kwōnaj jorrān ak renaj kakkure kwe.
- **Kwōj aikuj lelok jejetin melele ko.** Likūt naan ko einwōt “leo ibba ej kakkure na kin naan im ilo an manne na,” ak, “ekkar kamijak in kamij na,” ejab letok jibañ. Jikin ekajet eo eban jelā ta melelein mennin. Kōmelele ta eo armij eo ear kōmman kakkure ear kōmmane (manman, juj, un, jeptak) im ej kōmman jorrān. Ta eo ear ba ilo ien an kamijak kwe? Jab ba wōt ke kwar mijak. Ba ta eo kwar mijak enkar walok ñan kwe ak ajiri eo nejum im etke. Ñe kwar jorrān, kōmelele wāween an jorrān eo kar walok. Ilo an lablok tibdikin melele ko kwōj lelok kin ta eo armij eo ear kōmman jorrān ear kōmmane im uwaak eo am, enaj emmonlok.
- **Jab kenono kin abnōnoō ko ikijen nejnej.** Kenono wōt kin jorrān eo ej walok ñan enbwinnin armij, im uwōta in jorrān ak abād.
- Bael peba ko ibben Kajitōk eo am enaj jibañ kamool melele ko ilo kajitōk eo am. Kwōmaron kōjerbal ripoot ko jen bulijmaan, majej ko ilo text, email, pija, rekoot in taktō im men ko jet. Kwōmaron bael jet peba einwōt rekoot in taktō im jejetin pija ko ilo aer kilōk: innem armij ro ilobelej rebañ loi. Kwōj aikuj bael ae men kein mokta jen raan in ronjak eo am. Jet jikin ekajet ko reban lomnak kin kamool eo rej lelok wōt ilo ien roñjak eo. Kajitōk ibben clerk eo an jikin ekajet kin raan ko aliktata ñan bael ilo bukun eo am.
- Kanne peba in Kakien eo. Kakōlle ejjā bok ko kwar kakōlle ilo Kajitōk eo. Kwōmaron kajitōk an jikin ekajet eo kōwebben Kakien eo kwar lemaanlok.
- Ñe kwōkōnaan an jikin ekajet eo kakien ñan an armij eo ej uwaak lelok kein uror ko an, kwōj aikuj kakōlle bok “Uwōta eo Emōj Kwalok ak Kōmmane” ilo Kakien eo.

Northwest Justice ej kile jermal ko an Douluul eo ilo State eo an Washington ejab jibañ Jorrān ko rej Walok iloan Baamle (Washington State Coalition against Domestic Violence). Kajitōk kin bebe in kejbarok ko emōj laajrak ijin rej itōk jen jikin melele eo an WCDAV [Bebe ñan Kejbarok ibben Armij ro Rar loon Jorrān: Lomnak ko Raurok](#).

Ebōk Jibañ kin Kakien

- **Kateruru online** ibben [CLEAR*Online](#) - [nwjustice.org/apply-online](#)
- **Kwōj ke ioone juon abnōnō in kakien inabojin Bukon eo an King** (oktak jen Kadiwōj Kwe jen Mweo Imōm ak an Paan iten Bōk Mweo Imōm)? Kall ae lok 2-1-1 (ak nomba eo ejellok wonnen 1-877-211-9274) raan in jermal ko 8:00 awa jibbon - 6:00 awa jota. Renaj lemaanlok kwe ñan juon jikin eo ej lewaj jibañ ikijjen kakien.
- **Kwōj ke ioone juon abnōnō in kakien inabojin Bukon eo an King** (oktak jen Kadiwōj Kwe jen Mweo Imōm ak an Paan iten Bōk Mweo Imōm)? Kall ae Lain in Jibañ eo an CLEAR ilo 1-888-201-1014 raan in jermal ko ikōtaan 9:15 awa jibbon - 12:15 awa raelap ñe ejab kateruru online ilo [nwjustice.org/apply-online](#).
- **Kwōj ke ioon aer iten Kadiwōj kwe jen Mweo Kwōj Reene?** Kall ae lok 1-855-657-8387.
- **Kwōj ke ioon an Paan iten Bōk Mweo Imōm?** Kall ae lok 1-800-606-4819.
- **Lillab im lōllab ro (joñan yiō 60 im rüttolok)** kin juon abnōnō in kakien inabojin Bukon eo an King emaron bar kall ae lok CLEAR*Sr ilo 1-888-387-7111.

Ro rej kall rejaronron, ebin aer roñjak ak ewōr aer utamwe in kenono remaron kall ae jabdewōt nomba kein ilo aer kōjermal jibañ eo rekōnaan ñan leto letak melele.

Rej lewaj riukok.

Melele in kaajeeded in ej lewaj melele ko ikijen maron im eddo ko am. Ekkar jab kōmman ñan binej jenkwān jejetin rōjañ ko kin kakien.

© 2022 Northwest Justice Project — 1-888-201-1014.

(Emōj lelok kōmelim ñan kabe im ajej melele kein ñan Alliance for Equal Justice im ñan kajojo armij ro ñan makūtkūt ko wōt rejab wia kake.)